

東晉疆域志

三





志域疆晉東

(三)

撰吉亮洪

叢書集成初編

(補印本)

東晉疆域志

三冊

一九三九年十二月初版
一九六〇年五月補印

洪亮吉撰

商務印書館出版

上海洪興印刷廠印刷

叢書集成

初編

商務印書館

東晉疆域志卷四

實州僑郡第四

荊州。

益州。

揚州。

荊州。

上見

東晉凡統僑郡六。僑縣可考者二十。

義陽郡。晉志。穆帝時。以義陽流人在南郡者。立爲義陽郡。

縣無考。

新興郡。沈志稱。魏志。建安二十年。省雲中。定襄。五原。朔方。四郡。郡立一縣。合爲此郡。屬并州。晉江左僑立。
案沈志。宋初六縣。疑晉末亦同。故竝錄。

雲中。漢郡名。後漢書注。郡在今勝州北。西晉屬新興。東晉僑立。下同。

九原。漢縣名。屬五原。後漢書注。故城在今勝州銀城北。

定襄。漢郡名。後漢書注。故城在今勝州界。

宕渠漢縣名。西晉屬巴西郡。後漢書注。故城在今渠州流江縣東北。俗名車騎城是也。沈志。流寓立。

廣牧漢縣名。屬朔方。水經注。河水又東。逕廣牧縣故城北。

新豐漢縣名。西晉屬京兆。太平寰宇記。故城在昭應縣東十八里。沈志。流寓立。

南河東郡。晉志。元帝渡江。又僑立新興。南河東二郡。沈志又云。晉成帝咸康三年。征西將軍庾亮。以司州僑戶立。圖經。咸康四年。于南郡所屬松滋僑縣。置南河東郡。宋初八縣。案疑晉末亦同。

聞喜漢縣名。漢晉竝屬河東郡。元和郡縣志。故城在今聞喜縣西南八里。

廣戚漢縣名。沈志。後漢晉太康地志。屬彭城。後漢書注。故城在今徐州沛縣東。沈志。江左流寓立。

松滋漢縣名。沈志。後漢無。晉屬安豐。疑是有流民寓荆土。故立案今荊州府。有松滋縣。卽承晉僑

縣名也。

弘農漢郡名。沈志。江左立僑郡。後併省爲縣。

臨汾漢縣名。太平寰宇記。故城在正平縣東北二十五里。

永安漢縣名。水經注。苑水又西流。逕永安縣故城南。

安邑漢縣名。史記正義。故城在絳州夏縣。

譙。漢縣名。太平寰宇記。故城在下邑縣。城北三十一里。沈志。譙流民寓立。南義陽郡。晉志。安帝僑立。沈志。晉末以義陽流民僑立。宋初有四縣。案今縣可考者三。

厥西。沈志。二漢無。晉太康地志。屬義陽。江左僑立。

平陽。漢縣名。史記正義。故城卽晉州城西面。今平陽故城東面也。沈志。平陽本爲郡。江左僑立。魏世分河東爲平陽郡。晉末省爲縣。

平氏。漢縣名。西晉屬南陽。後漢書注。故城今唐州平氏縣。

東義陽郡。晉志。安帝僑立。

縣無考。

長寧郡。沈志。晉安帝僑立。晉志同。案沈志又云。宋初五縣。後省經安。今考晉末。當領縣四。無上黃。

長寧。沈志。晉安帝立。

經安。沈志。晉安帝立。

僮陽。沈志。晉安帝立。

綏寧。沈志。晉安帝立。

益州。上見東晉凡統僑郡三。僑縣可考者六。

始康郡。沈志：關隴流民，晉安帝立，領縣四，寄治成都。案此郡縣名雖新創，然因流民所在，創立。又寄治成都，非有實土，故亦列僑郡中，他皆倣此。

始康。沈志：晉安帝立。

新城。沈志：晉安帝立。

談。沈志：晉安帝立。

晉豐。沈志：晉安帝立。

南陰平郡。沈志：永嘉流寓來屬，寄治葭陽，領僑縣二：太平、襄宇。記：德陽縣北，厚中山西，有南陰平鄉，卽故僑郡也。

陰平。漢縣名。水經注：白水又東南，逕陰平，故城南。西晉屬陰平郡。江左僑立。

縣竹。漢縣名。後漢書注：故城在今縣竹縣東。西晉屬新都郡。江左僑立。

金城郡。太平御覽：稱周地圖記曰：晉義熙末，刺史朱齡石率建平人征蜀，仍于東山立金城郡。後魏平蜀，改爲金水郡。案此郡未知何屬，今以征蜀所立，故附益州，他皆倣此。

縣無考。

揚州。見上。東晉凡統僑郡三，實郡有僑縣三，共僑縣十六。

淮南郡

上見

沈志中原亂胡寇屢南侵淮南民多南渡成帝初蘇峻祖約爲亂于江淮胡寇又大至民南渡江者轉多乃于江南僑立淮南郡及諸縣晉末遂割丹陽之于湖縣爲境凡領僑縣五

當塗漢縣名西晉屬淮南元和郡縣志故城在鍾離縣西南一百十七里沈志晉末分于湖爲境

太平寰宇記成帝時以江北之當塗縣流入過江在于湖者僑立當塗縣屬淮南郡

襄垣漢縣名沈志其地本蕪湖漢舊縣至于晉末立襄垣縣屬上黨上黨民過江者立僑郡縣寄

治蕪湖後省上黨郡爲縣屬淮南圖經晉寧康中僑立上黨郡改蕪湖立襄垣定陵遂適三

縣義熙中省上黨郡爲縣

上黨漢郡名晉寧康中僑立義熙中省爲縣圖經故城在蕪湖縣西南

定陵漢縣名後漢書注故城在今郟城西北魏屬襄城郡東晉僑立沈志後割蕪湖爲境圖經故

城在今青陽縣東北

遂適漢縣名後漢書注故城在今廬州慎縣南西晉屬淮南郡東晉僑立沈志後分蕪湖爲境圖

經故城在今宣城縣北六十里

松滋郡晉志成帝又于尋陽僑置松滋郡遙隸揚州案宋書庾悅傳督司州之松滋則郡似曾屬司州然考何无忌傳增督揚州之松滋无忌距悅之爲督時不遠疑悅傳有脫文也又案太元十二年松滋太守

王遐之當卽此郡。

松滋漢縣名。

見上。

圖經今九江府德化縣東有松滋廢縣當屬東晉僑立也。晉志安帝又省松滋

郡爲松滋縣。

義成郡晉書桓宣傳宣平襄陽陶侃使宣鎮之以其淮南部曲立義成郡。沈志晉孝武立治襄陽案晉哀帝興寧二年以桓豁監荊州及揚州之義成桓沖傳督揚州之義成新野二郡今考豁與沖所督之義成卽陶侃僑立于襄陽者其僑置之地在荊州其人戶則屬揚州也。圖經義成廢郡在光化縣西北領僑縣四。

義成漢縣名西晉屬淮南。沈志晉孝武立案淮南舊縣東晉蓋已荒廢孝武時當以流人在襄陽者立也。

下蔡漢縣名。沈志稱晉太康地志屬淮南東晉流寓立平阿縣同。

平阿漢縣名。沈志永初郡國有當是何志後省。

萬年漢縣名。

見上。

沈志舊屬馮翊元和郡縣志故城在今櫟陽縣。

尋陽郡。

見上。

凡領僑縣二案實郡隸江州此特附見。

安豐漢縣名後漢書注故城在今霍山縣西北西晉屬安豐郡東晉僑立。

弘農漢縣名。沈志尋陽郡又有弘農縣。流寓文帝元嘉十八年省併松滋。案此則晉末有此縣也。
僑州實郡第五。又凡實郡有僑縣。僑郡有實縣者。皆因類附見。不更分析。

徐州

秦州

徐州。沈志晉永嘉大亂。幽冀青并兖州及徐州之淮北流民相率過淮。亦有過江在晉陵郡界者。晉成帝咸和四年司空郗鑒又徙流民之在淮南者于晉陵諸縣。其徙過江南及留在江北者竝立僑郡縣以司牧之。又云明帝世淮南北沒寇僑立徐州治鍾離。安帝義熙七年始分淮北爲北徐淮南猶爲徐州後又以幽冀合徐今考江北淮南諸實郡皆徐州所領。僑郡別見胡三省云徐州實郡在江北者有廣陵堂邑鍾離三郡然實則不止此也。沈志穆帝永和中郡移出京口圖經晉徐州僑治京口凡領舊郡二增置郡四領縣二十。

廣陵郡漢置晉志東晉分出海陵山陽二郡凡領縣五晉書廢帝太和中桓溫自山陽及會稽王昱會于涂中謀後舉遂城廣陵而居之。

淮陰漢舊縣沈志稱太康地志屬廣陵又淮浦縣沈志稱太康地志亦屬廣陵東陽司吾下相徐四縣竝云屬臨淮也晉書元帝太興四年以劉隗爲青州刺史鎮淮陰穆帝永和八年使北

中郎將荀羨鎮淮陰。孝武太元十二年，豫州刺史鎮淮陰。荀羨傳：羨北討，上疏云：「舊淮陰鎮形勢都要，水陸皆通，易以觀釁。沃野有開殖之利，方舟運漕，水陸無阻，乃營立城池焉。有樊梁湖、津湖。」水經注：淮水下云：「永和中，患湖道多風，陳敏因穿樊梁湖北口，下注津湖，逕渡二十里，方達北口，直至夾邪，興寧中，復以津湖多風，又自湖之南口，沿東岸二十里，穿渠入北口。」自後行者，不復由湖。

廣陵漢舊縣有新城邵伯埭。

太平御覽：稱晉中興書：兖州既平，謝玄患水道險澁，糧運艱難，壅呂梁水，立七埭以利漕運。又曰：安樂埭于新城北，百姓賴之，故名邵伯埭。到三救埭十五里，三救埭到鍾梁埭，十五里。案此：蓋即安所立七埭名也。步丘。謝安傳：安出鎮廣陵之步丘。步丘，築壘曰新城。

海陵漢舊縣沈志三國時廢。晉武帝太康元年復立，有青蒲。

毛璩傳：海陵縣界，地名青蒲，四面湖澤，皆是菰葑，逃亡所聚。璩率千人討之，時

大旱，因放火，蕪葑盡然，亡戶管道，悉詣璩自首，出近萬戶。璩皆以補兵。

郎山。通鑑：段龜鑿募容儻將，榮國子郎山，敗之。

高郵漢舊縣沈志三國時廢。晉武帝太康元年復立。晉志又有射陽、海陽、淮浦、江都四縣。水經注

射陽城本北中郎將庾希所鎮。太平寰宇記：義熙元年，省射陽縣置山陽郡。沈志：江都三國

時廢。晉武帝太康六年復立。江左又省併興縣有三阿。

通鑑：苻堅將俱難陷盱眙，遂圍幽州刺史田洛于三阿，去廣陵百里。謝玄自廣陵救

三阿。白馬塘。謝玄傳：何謙解田洛圍，進據白馬。又謝玄次白馬塘。

興漢舊縣案桓彝傳嘗過興縣宰東海徐寧云云則東晉時有此縣沈志宋元嘉十三年始併興

縣入江都

海陵郡。沈志。晉安帝分廣陵立永初郡。國屬徐州。東晉蓋同。凡領縣四。見僑縣別去京都水三百九十。陸同。

臨江。沈志。晉安帝立。圖經。初屬山陽郡。後屬。

如皋。沈志。晉安帝立。

寧海。沈志。晉安帝立。

蒲濤。沈志。晉安帝立。

山陽郡。沈志。晉安帝義熙中。土斷分廣陵立。景帝分梁爲山陽。非此郡也。永初郡國屬徐州。東晉蓋同。通典或云。漢吳王濞反于廣陵。山陽王率衆于此拒之。因以山陽爲名。樂史稱宋書郡國志并記云。安帝義熙元年。省射陽縣分廣陵之鹽城地立山陽東城左鄉二縣。爲山陽郡。屬南徐州。又稱戴延之西征記曰。山陽津名。案郡名蓋取諸此。又漢鹽漬縣。沈志云。晉安帝改爲鹽城。是東晉時有此縣。凡領縣四。沈志去京都水五百。陸同。

山陽。沈志。射陽縣境地名。山陽與郡俱立。水經注淮水下云。城本北中郎將庾希所鎮。

鹽城。漢舊縣名。鹽漬。沈志。三國時廢。晉武帝太康二年復。晉安帝更名。

東城。沈志。晉安帝立。

左鄉。沈志。晉安帝立。

盱眙郡。晉志：義熙中，以盱眙立盱眙郡。統考城、直瀆、陽城三縣。太平寰宇記：義熙中置郡于今盱眙縣東一里臺子山上。晉書：太寧元年，石勒攻陷下邳，徐州刺史卞敦退保盱眙。太元四年，苻堅將句難、彭超陷盱眙。高密內史毛瑛之爲賊所執，沈志：去京都水七百，陸五百，有君川。通鑑：謝玄與秦將俱難等戰于君川，大破之。胡三省云：盱眙縣北六里有君山，此蓋君山之川也。淮橋。同上。謝玄還何謙之等率舟師乘潮而上，焚淮橋。

考城。晉志：義熙七年立。

陽城。沈志：晉安帝立。

直瀆。沈志：晉安帝立。

鍾離郡。沈志：晉安帝分立。晉志：明帝于漢故九江郡界置鍾離郡，屬徐州。案宋書：劉義康傳兼督司州之鍾離郡，事在義熙中。沈志：去都陸六百二十，水一千三十。

縣別見。

淮陵國。沈志：惠帝永寧元年以爲淮陵國。蘇峻傳：除淮陵內史。謝玄傳：淮陵太守高素。王恭傳：淮陵內史虞珽。僑縣別見。凡領縣可考者四。

淮陵。漢舊縣。沈志：晉屬臨淮。惠帝永寧元年以爲淮陵國。
司吾。漢舊縣。沈志：晉太康地志屬臨淮。

徐漢舊縣。沈志。晉太康地志。屬臨淮。元和郡縣志。晉太康三年復立。

下相漢舊縣。

秦州。晉志。江左分梁爲秦。寄居梁州。又立氐池。爲北秦州。沈志。晉孝武立秦州。寄治襄陽。安帝世。在漢中南鄭。案楊氏據仇池。常奉晉正朔。故晉得立北秦州。此志不錄入者。亦與涼州張氏同例。又考義熙十三年。劉裕置東秦州。宋書劉義真傳。領東秦州刺史。是東晉秦州有三。然實郡則止陰平一郡耳。

陰平郡。晉志。秦始中置。懷帝紀。永嘉六年。陰平都尉董沖。逐太守王鑒。以郡叛。降于李雄。成帝紀。咸和六年。雄將李壽侵陰平。武都氏帥楊難敵降之。案董沖叛後。郡蓋復歸。故咸和六年。又云。李壽侵陰平也。郡雖舊屬秦州。而與梁州境接。桓溫平李氏後。當兼有此郡。故地理志云。江左分梁爲秦。寄居梁州。蓋專指此郡而言。所領縣。當與西晉同。

陰平漢舊縣。

平武。沈志。蜀立曰廣武。晉武帝太康元年更名。晉書地理志。作平廣。誤。

遙立州郡第六。

北雍州。

東秦州。

司州。

并州。

北雍州。晉書義熙十三年。劉裕克長安。執姚泓。以子義真爲都督雍、涼、秦、三州諸軍。雍、東秦、二州刺史。以朱齡石爲北雍州刺史。十四年。復陷于赫連勃勃。太平寰宇記。姚萇孫泓。爲劉裕所滅。東晉復置雍州。及京兆郡。凡領郡可考者七。

京兆郡。領縣可考者三。

長安。有未央殿。

宋書武帝紀。大會豪倉門。宋書自序。王修殺沈田子。于長安豪倉門。

藍田。有青泥坂。

晉書。義熙十四年。赫連勃勃。大敗王師于青泥。

渭南。有寡婦渡。

宋書傳弘之傳。赫連璜。又抄掠渭南。弘之。又于寡婦人渡。破璜。

馮翊郡。宋書王鎮惡傳。鎮惡以本號。領安西司馬。馮翊太守。案毛德祖傳。爲馮翊太守。亦在裕西征時。

縣無考。

扶風郡。宋書自序。高祖表言。參征虜軍事。扶風太守沈田子。

縣無考。

咸陽郡。宋書自序。卽授田子咸陽。始平、二郡太守。

池陽。宋書傳弘之傳。大破赫連瓚于池陽。
始平郡。通鑑。裕以田子領始平太守。元和郡縣志。沈平子領始平太守。

槐里。宋書自序。田子轉鬬達于槐里。剋之。

東安定郡。宋書劉義真傳。又進督并東秦二州。司州之東安定、新平二郡諸軍事。案劉遵考傳。又云。督北雍州之新平、安定諸軍事。今考新平、安定二郡。晉志本屬雍州。當以劉遵考傳爲是。

縣無考。

新平郡。

縣無考。

東秦州。宋書劉義真傳。領東秦州刺史。通鑑。以毛德祖領秦州刺史。胡三省云。德祖所領。卽東秦州。凡領郡可考者二。

天水郡。晉書毛德祖傳。以德祖爲中兵參軍。領天水太守。案是時。劉裕未得天水。蓋遙領也。

縣無考。

南安郡。晉書毛德祖傳。從劉裕伐姚泓。頻攻滎陽、扶風、南安、馮翊數郡。所在剋捷。

縣無考。